



Händel Messias da jool 2024

Õhtt kriistlažkää'dd šõormõs juuhlin, jool lij sõrgg. Raajjâp juuhl juõ'kkkaž jii'jjennalla doomâst, piârvue'jji vuâdast. Seamma ääi'j gu jâä'ttep puõtt jool sagstõöllâp kriistlažâask kuâsttmõõžžâst õhttsažkää'ddest.

Tân poodd sagstõõllmõõžžâst lij peäggum tõi'st, vuäitt-a škoolnii'kkid čuä'jted barokkmusiikk ää'rb G. F. Händel Messias-oratorio. Tân peäglvaž tuejjõõžž âsklvaž vii'ttjõõžž vuäžžu õõut saujjlâ'ddlaž škool cõggâd čuäjtõõžž, što jiâ ääiprje'čči neu'rted ni õõut škoolnee'kk âskldõõgg- da jiõččkââmpââdvuõd.

Mä'htt mätt'tõsminister Anders Adlercreutz lij tuõttâm, što lää'ddjânnam kulttuurvuâd liâ činjal kriistlažvuõdâst. Äâskldõõggi vii'ttjõõžž da kriistlažâask pu'httem preeddan lij juõ'kk peä'lnn, ää'ljeen neä'ttelpeei'vest vuâņņampeei'vines, ääi'jlooggtõõžžâst, ke'rjjkiõlâst da juätkkjen lä'ddlaž škoolstroit'ltlõ'žže da pue'rrvuei'ttemõhttsažkâdda. Jânnmen kriistlaž da luteerlaž preeddnin lij jiijjâs vääžnai roolâs tõi'st, što nõkam äärv gu na'ddjemvuõtt, re'ttvõsvuõtt, da oummu ärvv veâl oudâs teä'dde õhttsažkää'dd. Liist vuäitt juä'tkked meeraikõskksânji veâl YK oumažvuõiggâdvuõttuâppmõõžžid da EU vuâdđkii'rjid. Kriistlaž jiõččvuõd ij leäkku vuei'tlvaž pu'tsted pirrõõzstem.

Vuâmm sârnamvue'kk sârnn še nu'tt, što ââskldõk lij kulttuur väimm da kulttuur âskldõõgg ää'blek. Kulttuurâst gu kulttuurâst liâ pâi mâkam-ne kõskksaž äärv ohje'mmen oummi kõskksaž täimm'mõõžž, da tõi kääččamvuâllsõõžžin da tuâsttmõõžžin liâ takainalla leämmaš traaglaž seu'rrjõõžž. Õhttân vaartee'jen oudmiârkkân Ruõššjânnam histor.

Ij tâma ni keän õõlg jouddâd vuâstta väimmjuurdâs harjited Lää'ddjânnmest ââskldõõgg, leša põrggmõõžž pu'tsted, hygienâstted õhttsažkää'dd âskldõõggâst jâä'dte kulttuur sueigummsa. Mii tâ'l ve'rdde'čče sâjja pannvue'jjest jie'lli da määngaid vaikktoõžžid äävsõ'sse informaatiääi'jstem?

Händel Messias tuõdi-mes vii'ttai Messiaa'je Isõ'sse, koon šõddmõõžž mij mu'sttep joolipoodd. Tât Messias, Vuâspââ'd pä'rnn Isõs, šõõddi maai'lm oumžen. Nääi't son vaa'ldi oummu vue'zz da puõ'di tobddâd puk oummujie'llem räämmaid da pe'cclõõžžid. Gu maai'lmest liâ še tân jool 2024 mäņņgan pääi'kest vääin da pannsnäätinaivuõd, lij suä'nes teä'tted, što jool Šurr lij še tõi kõõskâst mijvui'm.

Tuäivtam Tu'ne da õõldâsoummid Kristõspäärna čuõvteei, blouslõõžžlaž joolipoodd.

Oulust adve'nttäi'j čuõvvnempoodd 2024

Jukka Keskitalo

Oulu aa'rhelkää'dd pispppiispa